

Dómsmálaráðherra getur ákveðið gjald fyrir löggildingu ökukennara og fram- 49
lengingu hennar.

5. apríl

Æfingar nemenda í akstri tvíhjóla bifreiða mega aðeins fara fram undir stjórn og umsjón ökukennara. Réttindi til kennslu í akstri tvíhjóla bifreiða hafa þeir, sem hafa ökuskírteini, eru 25 ára að aldri og hafa minnst eins árs æfingu í akstri slíkra bifreiða. Dómsmálaráðherra er heimilt að setja frekari skilyrði fyrir rétti til þessarar kennslu og svipta mann honum, hvenær sem er, ef ástæða þykir til.

Ekki má veita yngri mönnum en 17 ára æfingu í akstri.

Bifreiðar, sem notaðar eru við kennslu, skulu að aftan og framan bera greini-
leg spjöld með áletruninni „KENNSLUBIFREIÐ“, og skulu þær löggiltar til kennsl-
unnar af bifreiðaeftirlitsmanni í því umdæmi, þar sem bifreiðin er skrásett. Dóms-
málaráðherra er heimilt að kveða á um gerð og þyngd kennslubifreiða, sérstök ör-
yggistæki í slíkum bifreiðum og váttryggingu þeirra umfram aðrar bifreiðar.

Kennsluakstur má fara fram þar, sem akstur bifreiða er leyfður, en þó getur
lögreglan bannað slíkan akstur á ákveðnum götum og vegum, er slíkt bann þykir
nauðsynlegt.

Ökukennari ber ábyrgð á, að akstursæfingar fari fram á þeim stöðum og með
þeim hætti, að telja megí hættulaust fyrir aðra umferð, er tekið er tillit til kunn-
áttu nemandans.

Dómsmálaráðherra setur nánari reglur um kennslu og próf bifreiðarstjóra,
og ákveður gjald það, er greiða skal fyrir prófið. Enn fremur er dómsmálaráðherra
heimilt að ákveða hámarksgjald fyrir ökukennslu.

3. gr.

Lög þessi öðlast þegar gildi.

Gjört í Reykjavík, 5. apríl 1948.

Sveinn Björnsson.

(L. S.)

Bjarni Benediktsson.

L Ö G

um bráðabirgðabreyting nokkurra laga o. fl.

50

5. apríl

FORSETI ÍSLANDS

gjörir kunnugt: Alþingi hefur fallizt á lög þessi og ég staðfest þau með sam-
þykki mínu:

1. gr.

1. Ákvæði III. kafla l. nr. 44/1946 varðandi fjárframlög og lánveitingar af hálfu ríkissjóðs til sveitarfélaga koma því aðeins til framkvæmda, að sérstök heimild sé veitt til þess í fjárlögum hverju sinni, enda nær skylda sveitarfélaga til íbúðarhúsaþýginga samkvæmt tilvitnuðum kafla laganna ekki framar en tilskilinn styrkur eða lánveiting af hálfu ríkissjóðs kemur til.
2. Gjöld til ríkissjóðs samkvæmt IX. kafla l. nr. 68/1947 skulu innheimt með verðlagsuppbót árið 1948.
3. Greiðsla á 1 milljón af framlagi ríkissjóðs 1948 samkv. 2. málsg. 4. gr. laga nr. 35/1946 skal fresta til ársins 1957.

- 50 4. Niður skal falla umboð nýbyggingarsjóðsnefndar samkv. 14. gr. l. nr. 20 20. maí
5. apríl 1942, um breyt. á l. nr. 6 9. jan. 1935, um tekjuskatt og eignarskatt. Ríkisskatta-
nefnd annast störf þau, er nýbyggingarsjóðsnefnd eru falin með frammannefndum
lögum, enda hefur hún þá fullnaðarúrskurð um þau mál.
5. Fyrir orðin „100%“ í 1. gr. laga nr. 18 1948, um breyting á lögum nr. 60 1939, um
gjald af innlendum tollvörutegundum, komi 200%.
6. Stjórn Sildarverksmiðja ríkisins heimilast með samþykki sjávarútvegsmálaráð-
herra að leggja fram kr. 1 250 000.00 sem hlutafé í Hæring h/f, Reykjavík, til
kaupa og rekstrar sildarbræðsluskips. Ríkisstjórnin skal jafnhliða þeirri fyrir-
greiðslu, sem h/f Hæring verður veitt til kaupa á sildarbræðsluskipi, leitast við
að tryggja öllum íslenskum sildveiðiskipum sem jafnasta aðstöðu til sildar-
löndunar í verksmiðjuna.

2. gr.

Lög þessi öðlast þegar gildi.

Gjört í Reykjavík, 5. apríl 1948.

Sveinn Björnsson.

(L. S.)

Jóhann P. Jósefsson.

51

5. apríl

FJÁRAUKALÖG

fyrir árið 1944.

FORSETI ÍSLANDS

gjörir kunnugt: Alþingi hefur fallið á lög þessi og ég staðfest þau með sam-
þykki mínu:

1. gr.

Til viðbótar gjöldum þeim, sem veitt eru í fjárlögum fyrir árið 1944, eru veittar
kr. 6 078 450.13 til gjalda þeirra, sem tilfærð eru í 2. gr., og kr. 43 828 758.36 til þeirra
gjalda, sem talin eru í 3.—14. gr. hér á eftir, samtals kr. 49 907 208.49.

2. gr.

Til viðbótar gjöldum í 3. gr. er veitt:

A.

1. Póstsjóður:

1. Póststjórnarkostnaður	kr.	3 106.37	
2. Póststofan í Reykjavík	—	245 274.20	
3. Önnur pósthús	—	123 455.95	
4. Póstflutningar	—	106 921.29	
5. Önnur gjöld	—	116 913.45	
			kr. 595 671.26

2. Landssíminn:

I. a. Til notendasíma í sveitum	kr.	2 800.00
b. Til starfrækslu landssímans m. m.:		
1. Kostn. við aðalskrifst. landssímans ..	—	19 674.94
3. Loftskýtastöðin í Reykjavík	—	59 098.63